

TRIDUM DON BOSCO 2020



Lia-Mklokek

Irmã doben sira, ohin ita hahu Tridum ba DB. Durante tridum ita sei reflète kona ba Don Bosco nia lia fuan sira ne'ebe inspira Reitor Mor nu'udar saseluk Don Bosco, iha Streia 2020, hodi tulun ita atu haklean kona ba politiká Ami Aman nian.

Bainhira Don Bosco iha ona Pio IX nia presensa, Santo Padre husu kedas ba nia hodi hamnasa: «Ho politika sa ida mak ita konsege halai husi difikuldade barak ne'e?».

Don Bosco hatan: "Ha'u nia politika --mak hanesan Ita boot nian, Vossa Santidade. Ne'e mak politika Ami Aman nian".

Mai ita hahú ita-nia Tridum ho fuan no neon nakloke hodi reflète hamutuk kona ba:

1° «*Halo ita nia hakarak ba, iha rai nudar iha lalehan*»

2°sai "*SARANI DIAK*

3° no *SIDADAUN LARAN LOS*".

Mai ita simu saida mak ita-nia aman doben Don Bosco hanorin mai ita atu sai apostolu no misionariu ba foinsa'e sira.

LORON DAHULUK: «HALO ITA NIA HAKARAK BA IHA RAI NUDAR IHA LALEHAN»

Hotu-hotu: Hodi padre ...

Angelous :

Guia: Maromak, hi'it-an mai tulun ami

Hotu: Na'i sadia ami no soi ami

Guia: Gloria ba Padre ba Filho no ba Espiritu Santu

Hotu: Nudar hori uluk ...

Hino:

SÃO JOÃO BOSCO, AMLULIK DOBEN

1. São João Bosco, amlulik doben,
ami Mestre, ami Aman.
Ba ita boot ami hananu
nudar oan be hadomi.
Tamba ita hatudu (mai) ami
dalan roman ba Maromak,
ami moris sei nabilan ho Maromak nia grasa.

Don Bosco, mai fali iha ami leet.

Hatudu mai ami Jesus nia oin. (2x)

2. Klosan sira sai santu hotu
'ha Jesus nia kadunan.
Sai Maria nia doben sira;
Santu Padre nia emar.
Ba Maromak nia Kreda
ami hotu sasin tebes,
hodi dehan sai nafatin:
fo mai klamar, ne'e to'o ona.

Ant. 1. Nai, haleu nia povu ho ninia kbiit.

SALMO 125

Sira be tau laran metin iha Nai
mak hanesan foho Siaun nebe la nakdoko
nebe hamrik metin ba nafatin.

Jerusalem, foho sira haleu nia
Nune'e mos Nai haleu nia povu
Ohin no ba nafatin.

Basa ema aat sira nia rota lulik sei la hakmatek
Iha ema justu sira nia rain
Atu hatauk ema justu sira liman
Tenki nakfila ba aat.

Halo diak Nai, ba ema sira be halo diak
Ba ema laran mos sira;
maibe ema aat no sira be halo aat
duni sai tiha sira!
Ba Israel, dame!

Ant. Nai, haleu nia povu ho ninia kbiit.

Ant. 2. Se imi la haraik-an hanesan labarik ida, imi sei la tama iha
Maromak nia reinu.

SALMO 131

O Nai, hau nia laran la foti-an
No hau matan la halo arogansia
Hau la halai tuir buat sira be boot liu
No buat be kmanek liu hau.

Tebes, hau hatur ona hau klamar
Iha silensiu no dame.
Nudar labarik ida hakmatek iha nia inan nia liman
Nune'e mos hau klamar.

O Israel, tau esperansa iha Nai
Ohin no ba nafatin.

Ant. Se imi la haraik-an hanesan labarik ida, imi sei la tama iha
Maromak nia reinu.

Leitura: Mt. 6 : 9 - 13

Ne'e duni, harohan nune'e ba: 'Ami Aman iha lalehan, halo Ita naran
sai santo. Halo Ita nia reinu to'o mai ami; halo tuir Ita nia hakarak ba
iha rai nudar iha lalehan. Haraik aihan loron loron nian mai ami.
Haraik perdua ba ami nia tusan, nudar ami perdua sira nebe iha tusan
ho ami. Keta husik ami monu ba tentasaun, maibe hasai ami housi buat
aat.

Canta: AMI AMAN IHA LALEHAN

1. Ami Aman iha lalehan, buat hotu ami fo;
uitoan be ami halo, mos ami hakarak fo.
*Fo bensa mai ami karan, hare ba labarik iha mundu
tane liman husu domin:
fo bensa mai ami karan, hare ba katuas be terus
tan maluk, uma, aihan laek.*

2. . Ba ema Maromak lia tun, Oan mane haruka mai,
iha mundu nia mai haklaken “Reinu domin to’o ona.”
*Haliku, o Na’i, ami husu,
hamlaha be hetan iha mundu
ho ema be moris diak.
Fo bensa mai Ita Kreda, ho nia ami la’o ami dalan,
kait liman no domin.*

MOMENTU ATU REFLETE HAMUTUK - - (Streia 2020)

Iha Ami Aman ita husu loron loron atu Aman lalehan nia reinu mai iha rai, nia sei belar ba nafatin, atu ema bele senti nia liu tan, sai moris liu tan, sai kbiit uain no kmanek liu tan: Adveniat regnum tuum! no ida ne’e mak buat nebe importante liu. "

Lolos ita la halo politika iha ita nia obra sira; **ita respeita autoridade** nebe iha, ita observa ukunfuan sira, ita selu impostu no ita ba oin, hodi **husu deit katak sira husik ita halo diak ba foinsa’e kiak sira, no soi klamar sira.** Ita hakarak karik, ita mos halo politika, **maibe ho dalan nebe la halo aat ema,** maibe kontrariu, fo vantajem ba governu hotu. Oratoriu nia serbisu iha Italia, Fransa, España, Amerika, iha nasaun sira hotu nebe iha ona, hodi pratika liu-liu atu:

- ◆ **hakmaan foinsa’e sira nebe iha susar laran nia kondisaun,**
- ◆ **tulun duni atu hamenus numeru malandru no badiu sira,**
- ◆ **tulun atu hamenus numeru kriminal kiik no naokten sira;**
- ◆ **tulun atu hamamuk kadeia sira;**

Ita nia identidade nudar EVANJELIZADORA NO EDUKADORA ba sira iha fiar.

Iha fragilidade nebe sai boot ba daudaun, no dala ruma **inkapasidade, atu sai apostolu no misionariu ba foinsa’e sira.**

No iha tempu hanesan iha risiko atu **la eduka foinsa’e sira** kona ba :

- ◆ sentidu maka’as sidadania; justisa social; no valor evanjeliku sira nian nebe lori atu interiorize, nudar programa moris nian.

Liu husi Streia 2020 fo hanoin fali mai ita katak ita simu husi Don Bosco rasik atu tulun labarik no foinsa'e sira "sai sarani diak hodi kunda iha foin sa'e sira kona ba *valor evangeliku sira nian* nebe lori atu interiorize, nudar programa moris nian: serbi maluk sira, kompromisu ba moris publiku, honestidade pesoal no "alerjia" ba forma hotu korupsi saun nian, sensibilidade ba mundu migrasaun nian, ba meu ambiente "ita nia uma hamutuk" nebe Maromak haraik tiha mai ita, iha kompromisu atu proteje ema nebe la iha defesa, sira nebe lian la iha, no sira nebe ema heuai.

- - -

Hotu-hotu hatan: São João Bosco harohan ba Maromak mai ami

Guia: Atu ami bele hakmaan foinsa'e sira nebe iha susar laran nia kon disaun,

Hotu-hotu hatan: São João Bosco harohan ba Maromak mai ami

Guia: Atu ami tulun duni atu hamenus numeru malandru no badiu sira,

Hotu-hotu hatan: São João Bosco harohan ba Maromak mai ami

Guia: Atu ami tulun atu hamenus numeru kriminal kiik no naokten sira;

Hotu-hotu hatan: São João Bosco harohan ba Maromak mai ami

Guia: Atu ami tulun hamamuk kadeia sira;

Hotu-hotu hatan: São João Bosco harohan ba Maromak mai ami

Guia : Atu ami tulun hodi forma sidadaun nebe diak

Hotu-hotu hatan: São João Bosco harohan ba Maromak mai ami

Komentariu ba Magnifikat:

Don Bosco dehan: Atu sai doben ba Maria Ausiliadora, presiza adora nia Oan, no nia sei hatudu ba imi dala sira atu halo. Atu sai Maria nia oan sira tenke ba beibeik Sakramentu sira, simu beibeik sakramentu komunaun, ba Misa, Vizita Jezús iha Sakramentu: simu bensaun, halo karidade hodi fo onra ba Jezús Kristu, tanba Na'I hakarak atu ita pratika karidade.

Canta: Magnificat...

Reza: Ami Aman...

Hotu-hotu reza hamutuk:

S. Joaun Bosco Aman no mestre foin-sa'e sira nian. Hamamar an ba don Espiritu no loke ba realidade sira iha ó-nia tempu, Ó-nia moris saran ba foin-sa'e sira, liuliu ba ki'ik no ki'ak sira nu'udar sinál domin Maromak nian. Gia mós ami ne'ebé sei la'o dadaun hodi hari relasaun amizade nian ho Na'i Jezús .Nune'e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian. Tulun ami atu hatan ho laran luak ami-nia vokasaun ne'ebé ami simu husi Maromak. Nune'e iha moris lorloron ami bele harii komuñau no kolabora ho entusiasmu, no komuñau ho Kreda tomak hodi kria sivilizasaun domin nian .Haraik grasa perse-veransa nian mai ami atu ami bele moris tuir loloos ami nia moris nu'udar sara-ni.Tuir espiritu rahun di'ak sira nian; no hodi Maria Ausiliadora nia gia iha loron ida ami sei hela hamutuk ho ó iha familia boot lalehan nian. Amen

Final: ...

LORON DARUAK: "SARANI DIAK"

Hotu-hotu: Hodi padre ...

Angelous :

Guia: Maromak, hi'it-an mai tulun ami

Hotu: Na'i sadia ami no soi ami

Guia: Gloria ba Padre ba Filho no ba Espiritu Santu

Hotu: Nudar hori uluk ...

HINO

Viva Don Bosco; viva Don Bosco belun.

Viva Don Bosco, foinsa'e sira rai tomak nia belun.

Viva Don Bosco, belun ba Ita oan sira,

Viva Don Bosco belun be moris 'ha ami leet.

1. It'nia liman, ohin ha'u nia liman.
It'nia fuan, It'haraik tiha ona mai ha'u.
Ita hamutuk sei lori ksolok domin nian;
ita hamutuk, ha'u ho Ita, belun boot los.

2. It'nia dalan, ohin dalan ha'u nian.
Ita la'o, Ita la'o hori ohin ba oin hamutuk ha'u.
Iha dalan, iha dalan, belun barak sei hasouru;
ita belun, ita belun, ha'u ho Ita.

(Final) **Be moris iha ami leet** (3x)

Ant. 1. Sira be kari fini ho matan ben sei sohi ho haksolok.

SALMO 126

Wainhira nai hasai Siaun hosi atan,
nia hanesan los mehi ida.
Hafoin ami ibun nakonu ho hamnasa.
Knananuk sira iha ami nia ibun tutun.

Gentiu sira rasik dehan;
Nai halo tebes buat kmanek ba sira
Kmanek wain tebes Nai halo ba ita.
Ami haksolok tebes !

Hasai ami hosi atan, O Nai
Nudar mota oan iha rai maran.
Sira be kari fini ho matan ben
Sei sohi ho knananuk ksolok.

Sira lao, sira lao ho matan ben nakonu,
lori sira nia fini atu kuda;
sira fila mai, sira fila mai ho knananuk ksolok,
sira lori futun barak.

Ant. Sira be kari fini ho matan ben sei sohi ho haksolok.

Ant. 2. Atu nai harii ita nia uma no bali ita nia sidade.

SALMO 127

Se Nai la harii uma ne'e,
badaen sira serbisu maka'as ho folin laek.
Se Nai la tau matan ba sidade ne'e,
guarda sira hader rai ho saugati deit.

Iha dadersan imi hader sedu
No ba deskansa tarde saugati deit.

Imi be serbisu maka'as ba paun nebe imi han,
wainhira nia haraik grasa wain ba nia doben
wainhira sira toba ho hakmatek

tebes, oan mane sira mak grasa ida hosi Nai,
bensaun boot ida hosi inan nia knotak.
Tebes, mane klosan sira hanesan rama oan ida
Iha funu nain nia liman.

O ksolok boot ema nian
Nebe nakdedar tebes ho rama oan hirak ne'e.
Nia se la halo buat ruma nebe hamoe
Wainhira nia halo argumento ho nia funu maluk iha dalan.

Ant. Atu Nai harii ita nia uma no bali ita nia sidade.

Leitura: 1 Kor. 2:7-16

Ami koalia kona ba Maromak nia segredu no matenek nebe subar hela iha misteriu, nebe Maromak hano'in ona houri uluk kedas ba ita nia gloria. Mundu nia ukun na'in sira la hatene matenek ne'e; sira hatene karik, sira la hedi Na'i gloria nian ba krus. Maibe, nudar hakerek nanis ona, "Matan la hare; tilun la rona no ema nia hano'in la to'o buat nebe Maromak hadia tiha ba sira nebe hadomi Nia. Maromak hatudu buat hirak ne'e hotu mai ita housi Espiritu.

Basa Espiritu koko buat hot-hotu, to'o hatene mo-mos Maromak. Iha ema sira leet, se mak hatene buat nebe iha ema nia laran; ema ne'e nia espiritu deit mak hatene buat nebe iha nia laran. Nune'e mos, ema ida la hatene Maromak nia laran; Maromak nia Espiritu deit mak hatene. Ita la simu mundu nia espiritu maibe Espiritu nebe mai housi Maromak, atu ita bele hatene lo-los presente nebe ita simu housi Maromak hodi la selu buat ida. No ami hato'o buat sira ne'e, la'os ho liafuan nebe ema nia matenek hanorin, maibe ho liafuan nebe Espiritu hanorin, hodi hato'o lialos espirtual ho liafuan espiritu nian.

Ema nebe la'os espirtual la simu Maromak nia Espiritu nia presente, basa ba nia, buat ne'e mesa bulak, no nia la bele komprende nia basa nia bele hare deit ho espiritu. Maibe ema espirtual bele hare buat hot-hotu no ema ida la bele tesi lia ba nia. Basa, "Se hatene tiha Na'i nia hanoin atu bele hanorin Nia?" Maibe ita iha Kristu nia hanoin.

Canta: HA'U SEI DEHAN

1. Ha'u sei dehan: Se o fiar Na'i Maromak,
o hare Nia gloria. (2x)

O hare Maromak nia gloria. (4x)

2. Ha'u sei dehan: se o hatene Na'i Maromak.
3. Ha'u sei dehan: se o terus tan Maromak.
4. Ha'u sei dehan: se o perdua tan Maromak.

MOMENTU ATU REFLETE HAMUTUK - - (Streia 2020)

Sai sarani diak katak:

- ♦ Moris iha fiar iha Na'i no ho Espiritu Santu nia naroman
 - ♦ Moris hodi rona Maromak nebe koalia mai ita, hodi haklaken nia.
 - ♦ Ita senti nesiedade atu evanjeliza no ofere proklamasan no katekese
 - ♦ Nudar foinsa'e sira nia edukadora no evangelizadoar esije katak husi ita nia esperiensi pesoal ita bele dehan ba foinsa'e sira ho liafuan, jestu, aksaun katak Maromak hadomi sira. Imi importante ba Nia."
- ⇒ Sarani no edukador lolos ohin ne'e nian ho ESPIRITUALIDADE SALESIANA mak hare no tulun mos ema seluk atu hare
- ♦ Maromak iha moris loron loron nian
 - ♦ Kria atmosfera amizade entre edukadores no entre foinsa'e sira.
 - ♦ "Kordialidade boot" sei marka relasan formador salesianu no foinsa'e sira,

⇒ Sarani diak iha desafiu AMBIENTE NEBE LA'OS SARANI.

Hanesan:

- ◆ Pe. Tomas Uzhunnalil nia sasin iha loron 557 maski nonok deit ho nia moris.
- ◆ Atu bele moris dialogu no sasin nebe profetiku.

⇒ Sarani diak iha desafiu AMBIENTE POS-FIAR NO POS-SARANI (Eropa no America, mos iha Timor independente) Familia salesiana envolve an numeru boot liu, nebe maioria foinsa'e la'os sarani. Kreda husu ita atu hela iha vanguardia. Fiar nebe ita moris mak dudu ita atu bele moris ho maluk sira no sai husi ita an rasik nu'udar sasin ba relasaun fraternal nian.

Espiritualidade sarani: halo mundu ne'e fatin atu hasoru malu ho Maromak. Santu Padre Francisco dehan "estase ida" hakonu ita ho Maromak nia domin no furak; bainhira ita rekoniese iha ema seluk sira nia furak, dignidade no kmanek nudar Maromak nia ilas. Iha Moris hamutuk fiar, hatudu ita nia domin hodi moris iha comunidade no fahe ita nia domin, tempu, fiar no ita nia susar sira ho foinsa'e sira

Eklesiolojia komunian: ema nia kualidade sira iha folin deit bainhira fo presente ne'e ba ema seluk.

Hotu-hotu hatan: O Nai, ami nia subar fatin, rona ami.
Rahun diak ba ita, Nai, tan ita bolu ami hodi tama iha ita nia santa kreda;

___ Hatur ami iha kreda ne'e nia laran too mate.

O Nai, ami nia subar fatin, rona ami.

Ita boot entrega ona igreja tomak ba ami nia amo Papa N....;

___ Haraik ba nia fiar metin, esperansa moris nian no domin boot.

O Nai, ami nia subar fatin, rona ami.

Haraik grasa konversaun nian ba maksalak hotu-hotu;

___ no grasa konversaun los nian ba ema tomak.

O Nai, ami nia subar fatin, rona ami.

Ita boot hakarak duni hodi moris nudar estranjeiru ida iha ami nia mundu;

- Hanoin sira hotu nebe haketak-an hosi sira rain no sira nia familia.

O Nai, ami nia subar fatin, rona ami.

Ba matebian sira hotu nebe hein hela iha ita boot;

____ haraik ba sira dame rohan laek.

O Nai, ami nia subar fatin, rona ami.

Komentariu ba Magnifikat:

Papa João Paul II dehan” Don Bosco venera profundamente, no hadomi ita na’in feto” “**Auxilium Christianorum**”. Nia nafatin dehan” Maria mak hari Basilika “**Auxilium Christianorum**” iha **Turin**. Nia konvensidu katak Na’in feto halo milagre boot oi-oin no sai nudar nia inspiradora ba nia dalan spiritual, apostoliku no nu’udar edukadora los iha nia moris.

Canta: Magnificat...

Reza: Ami Aman...

Hotu-hotu reza hamutuk:

S. Joaun Bosco Aman no mestre foin-sa’e sira nian. Hamamar an ba don Espiritu no loke ba realidade sira iha ó-nia tempu, Ó-nia moris saran ba foin-sa’e sira, liuliu ba ki’ik no ki’ak sira nu’udar sinál domin Maromak nian. Gia mós ami ne’ebé sei la’o dadaun hodi hari relasaun amizade nian ho Na’i Jezús .Nune’e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian.

Tulun ami atu hatan ho laran luak ami-nia vokasaun ne’ebé ami simu husi Maromak. Nune’e iha moris lorloron ami bele harii komuñau no kolabora ho entusiasmo, no komuñau ho Kreda tomak hodi kria sivilizasaun domin nian .Haraik grasa perseveransa nian mai ami atu ami bele moris tuir loloos ami nia moris nu’udar sarani. Tuir espiritu rahun di’ak sira nian; no hodi Maria Ausiliadora nia gia iha loron ida ami sei hela hamutuk ho ó iha familia boot lalehan nian. Amen

Final: ...

LORON DATOLUK: “SIDADAUN LARAN LOS”

Hotu-hotu: Hodi padre ...

Angelous :

Guia: Maromak, hi’it-an mai tulun ami

Hotu: Na’i sadia ami no soi ami

Guia: Gloria ba Padre ba Filho no ba Espiritu Santu

Hotu: Nudar hori uluk ...

Salve, Dom Bosco santo, jovens de coração;

Salva, Dom Bosco amigo, ouve nossa canção.

1. Juventude que caminha
sem saber onde vai;
juventude esta perdida,
sem fê, sem paz, sem luz e amor!
Don Bosco, ouve a nossa voz.
2. Se soubesses quantes vezes
nos tentaram vencer;
se soubesse quanto custa
o ver crueldade, rancor, paixão!
Dom Bosco, vem-nos ajudar.

Ant. 1. Halo ita povu santu haksolok, O Nai, nudar nia tama iha ita nia horik fatin.

SALMO 123 I

O Nai, hanoin hikas David
No difikuldades nebe nia lori,
alianza nebe nia promete ba nai,
ninian juramentu ba ida nebe maka’as tebes hosi Jacob.

Hau sei la tama iha uma nebe hau hela ba
Ka ba iha fatin nebe hau deskansa ba.
Hau matan sei la dukur,
hau nia matan kulit sei la hakmatek;
too hau hetan fatin ida ba nai,
horik fatin ba ida be maka’as tebes hosi jacob.

Iha Efrata ami rona Noeh nia ro ahi nia lian;
ami hetan nia iha rai Yerim nian.
Mai ita lao ba ninian horik fatin
Mai ita ba hakneak iha nia futar ain.

Sae ba Nai, ba ita boot nia deskansa fatin,
ita boot ho ita nia ro ahi kbiit nian
ita nia nai lulik sira sei hafutar-an ho santidade:
ita nia fiar nain sira sei haklalak ho ksolok.
Ba David ita atan nia diak, keta hewai ita atan sira.

Ant. Halo ita povu santu haksolok, O Nai, nudar sira tama iha ita nia
horik fatin.

Ant. 2. Nai hili ona Siaun nudar ninian Santuario.

II

Nai promete aliansa ida ba David.
Nia sei la fila kotuk ba ninia lia fuan.
Oan mane ida hosi ita nia isin rasik;
hau sei hatur iha ita nia tronu.

Se sira rai metin hau nia aliansa iha lia los
No hau nia ukun fuan sira be hau hanorin ona ba sira,
sira nia oan mane sira mos sei ukun,
iha ita nia tronu tinan ba tinan.

Tan nai hili ona Siaun,
nia hakarak Siaun atu sai ninia hela fatin;
ida ne'e mak hau nia hakmatek fatin too rohan laek,
ida ne'e mak hau hili atu horik ba.

Hau sei haraik bensa ba ninian produsaun
Hau sei hakonu ninian kiak ho aihan.
Hau sei fo hatais ninian nai lulik sira ho salvasaun.
No ninia fiar nain sira sei haklalak ho ksolok.

Iha neba David ninia beioan sira sei sai buras,
hau sei prepara ahi oan ida ba ninia atan sira
hau sei hamoe ninia funu maluk sira,
maibe ba nia hau nia koroa sei sai nabilan.

Ant. Nai hili ona Siaun nudar ninian Santuario.

Leitura: Jn. 10 : 7- 21

Ha'u mak bibi sira nia odamatan. Ema hotu nebe mai uluk liu Ha'u, mesak na'okten no ahuna'in sira; bibi sira la rona sira nia lia. Ha'u mak odamatan. Ida nebe liu housi Ha'u sei hetan maksoin; nia sei tama no sai hodi hetan du'ut matak. Na'okten mai atu na'ok, atu oho, atu harahun deit. Ha'u mai atu ema hetan moris, hodi hetan moris ne'e wa'in liu tan. Ha'u mak bibi atan diak. Bibi atan diak saran nia moris ba nia bibi sira. Maibe ema nebe la'os bibi atan tan nia la'os bibi na'in, hare tiha asu fuik mai, nia halai hodi soe bibi sira, nebe asu fuik kaer hodi halo namkari. Tan nia ema kontratu na'in, la hano in bibi sira. Ha'u mak bibi atan diak; Ha'u hatene Ha'u nia bibi sira, no Ha'u nia bibi sira hatene Ha'u. Nudar Aman hatene Ha'u, nune'e mos Ha'u hatene Aman; no Ha'u saran Ha'u nia moris ba Ha'u nia bibi sira. Ha'u iha tan bibi seluk nebe seidak tama iha bibi luhan ida ne'e. Ha'u sei dada mos sira mai. Sira sei rona Ha'u nia lia, no sei iha bibi luhan ida deit ho bibi atan ida deit. Tan ne'e, Aman hadomi Ha'u tamba Ha'u saran Ha'u nia moris atu simu fali nia. Ema ida la hasai nia housi Ha'u; maibe Ha'u saran nia hodi Ha'u rasik nia hakarak. Ha'u iha kbiit atu saran Ha'u nia moris, no mos iha kbiit atu simu fali nia. Ida ne'e mak ukunfuan nebe Ha'u simu housi Ha'u Aman."

Dala ida tan Judeu sira haksasuk malu tamba liafuan hirak ne'e. Sira barak dehan: "Diabu iha nia laran, Nia bulak: tansa imi rona Nia?" Balun fali dehan: "Ema nebe iha diab u iha nia laran la koalia hanesan ne'e, diab u bele loke karik matan delek nia matan?"

Canta: NA'I HA'U NIA DALAN

1. Na'i ha'u nia dalan, ha'u dalan diak,
dalan diak Na'i lori ha'u hela iha duut matak
Nia lori ha'u ba dalan diak
atu hahi no hanai Nia naran.

***Tamba ha'u nia Maromak Bibi Atan diak,
la'o ho ha'u nafatin iha dalan susar.***

***Lori ha'u ba be matan haraik kbiit mai ha'u;
ha'u sei la hetan susar tamba Na'i hamutuk ha'u.***

2. Ha'u sei liu hosi dalan nakukun
ha'u la tauk, Ita Boot hamutuk ha'u,
ha'u laran metin ba Ita nafatin
tamba Ita fo kbiit mai ha'u.

MOMENTU ATU REFLETE HAMUTUK - - (Streia 2020)

“Foinsa’e sira hein ita iha “uma MORIS nian”

- ♦ Foinsa’e sira nia **expektativa** sai urjente no dramatiku tan numeru no sira nia kondisaun moris nian.
- ♦ **sira parte sosiedade nian nebe delikadu no folin boot liu.** Ne’e duni, kampu nakloke ba Familia Salesiana. iha risiko ba salesianu balun nebe hela “iha muru laran”, haksolok an ho sira nebe tama iha ita nia odamatan sira. (Comfort zone!)
- ♦ Foinsa’e sira husu ita atu sai ba liur atu enfrenta problema 'real' nebe sira iha: moris nia sentidu, oportunidade, formasaun no ser-bisu sira...

Eduka ita nia an no ita nia foinsa’e sira iha sidadania no kompromisu sosial.

- ♦ dokumentu sira sinodu nian koalia kona ba justisa no sidadania ho foinsa’e sira nudar profeta. Justisa nebe boot liu fali ida nebe Sistema juridiku nasional. Sidadania **MUNDU** nian nudar uma hamutuk ba futuru nebe sei pertense ba jersaun foun. Ita tenke eduka ita nia an ba visaun justisa nian nebe buka atu hala’o desenvolvimento sustentavel. (moos kona ba migrasaun)

Eduka ita nia an no ita nia foinsa’e sira...

- ♦ Ita tenke halo ema rona ita **kontra** visaun nebe konsentra ba interese kategoria nian ne'ebe foinsa'e no governu sira haluha.
- ♦ Kuran lider nebe kredivel. Oin sa kona ba ita nia prosesu edukasional.

Eduka ita nia an no ita nia foinsa'e sira iha kompromisu politiku no serbisu ba ema seluk.

- ♦ Ita tenke serbisu barak liu tan **nudar Kreda**, nudar **kongregasaun salesiana** no nudar familia **salesiana**: "doutrina sosial Kreda nian" mak ita nia aksaun edukativa no pastoral nia.
- ♦ Ita produs "Graduadu sira ho kualifikasaun diak liu iha kompetisaun maka'as **la preokupa kona ba situasaun sosial politika**
- ♦ Ninia *Ami Aman* husu ita atu hanorin foinsa'e sira **nudar grupu atu sai protagonista ba ema hotu nia diak**, mos momos iha kampu nebe administrative no politiku.
- ♦ Ita tenke komprende didiak buat nebe ita hakarak hato'o ho **serbisu (ministeriu, pelayanan) politiku** no oin sa sarani ida la bele ses an husi nia.
- ♦ Ne'e sei sai "luta naruk", liuliu ho ita, ema konsagradu sira (mane no feto), nebe ; la sai boot ho mentalidade ida ne'e, maibe nia mak mundu no foinsa'e ohin ne'e nian sira nia halerik. Naroman ida mak realidade **serbisu voluntariu nian**, nudar dalan gradual no pedagogiku ba kompromisu *nebe boot liu tan atu transforma sosiedade*.

Eduka ita nia an no ita nia foinsa'e sira iha onestidade no atu hadook ita nia an husi korupsaun.

- ♦ Envolve Familia Salesiana nebe iha potensial boot iha kampu ne'e, liuliu Kooperadores no antigu alunu sira, ho sira nia presensa iha politika no iha setor influensia sira.
- ♦ bolu ita maka'as ba koerensia laran nian, liuliu iha ita nia relasaun ho leigu sira.
- ♦ oportunidade atu halo ema hare momos liu tan kultura etika sosial nian.

Sensitivu no koresponsavel iha mundu nebe book an no mundu migrasaun nian.

- ♦ Migrante foinsa'e sira mak Don Bosco nia oratoriu nia beneficiariu uluk.
(Iha Timor, migrante mak estudante sira, no seluk tan)
- ♦ Maioria migrante sira konsiste ho foinsa'e sira.
- ♦ Ita la tenke sai "ESPESIALISTA" hodi investe iha "edukasaun aas liu", maibe espiritu profeta nian. Iha Kreda laran, se mak tenke sai profeta liu iha frente ida ne'e?
- ♦ Movimentu Juvenil Salesiano nudar movimentu ba foinsa'e sira nebe book an. Oin sa ita nia komitmentu ba movimentu ida ne'e?

Tau matan ba uma hamutuk nudar foinsa'e sira husu husi ita (*Laudato si'*,13)

- ♦ Kompromisu ba ita nia uma hamutuk (*Laudato si' propoe*) kompromisu nebe husu edukasaun no evangelisasaun tomak. Ita husik ita konverte an oin sa?
- ♦ Ekolojia integral koalia mos kona ba valor umanu no espirtual.

Iha defesa ema nia direitu no liuliu menor de idade nia direitu.

- ♦ Espiritu Santu foti ita iha Don Bosco nudar Familia Salesiana atu saran ita nia moris tomak ba labarik sira, ba foinsa'e sira, hodi fo prioridade uluk knanain ba sira nebe **defesa la iha**, ba sira nebe kuran liu, ba sira nebe fraku liu, ba sira nebe kiak liu.. ita tenke espertu iha defesa ba direitu menor de idade sira nian no husu perdua to'o mataben suli bainhira ita la halo nune'e. Ita la bele hola parte iha abusu naran deit, ne'e katak abusu "poder, ekonomiku, konsiensia ka seksual"

Rektor Mor dehan, Migrante foinsa'e sira mak Don Bosco nia oratoriu nia beneficiariu primeiru. (*Iha Timor, migrante mak estudante sira, no seluk tan.*) Maioria migrante sira konsiste ho foinsa'e sira.

Iha Kreda laran, se mak tenke sai profeta liu iha frente ida ne'e?

Finalidade tan sa Espiritu Santu foti ita iha Don Bosco nudar Familia Salesiana mak atu saran ita nia moris tomak ba labarik sira, ba foinsa'e sira, ba labarik mane no feto sira mundu ne'e nian, hodi fo prioridade uluk knananin ba sira nebe defesa la iha, ba sira nebe kuran liu, ba sira nebe fraku liu, ba sira nebe kiak liu.

Tan ne'e, ita tenke espertu iha defesa ba direitu umanu sira hotu, liuliu direitu menor de idade sira nian no husu perdua to'o mataben suli bainhira ita la halo nune'e. Ita la bele hola parte iha abusu naran deit, ne'e katak abusu "poder, ekonomiku, konsiensiosu, seksual" – nudar define ona iha Sinodu kona ba Foinsa'e sira, Fiar no Disernimentu.

Hotu-hotu: Nai,tau matan ba ita povu

Bibi atan rohan laek, tau matan ba ami nia bispu N.....;
no bibi atan hotu iha kreda nian.

Hotu-hotu: Nai,tau matan ba ita povu

Ho laran kmaus, se futar matan ba nasaun hotu be terus persigisaun;
Haraik liberdade ba sira housi susar tomak.

Hotu-hotu: Nai,tau matan ba ita povu

Nai, sadia sira be presiza;
haraik aihan ba sira be hamlaha.

Hotu-hotu: Nai,tau matan ba ita povu

Fo naroman ba ukun nain sira hotu;
atu halao lei iha espiritu matenek no justisa nian.

Hotu-hotu: Nai,tau matan ba ita povu

Nai, tulun ami nia maun alin matebian sira, nebe ita boot soi ona ho ita boot nia ran;
halo sira soi atu tama iha ita nia festa kazamentu.

Hotu-hotu: Nai,tau matan ba ita povu

Komentariu ba Magnifikat:

Don Bosco ho ninia esperiênsia pesoál katak buat hotu la'o ho susesu iha Kongresaun tanba Maria mak halo buat hotu. Tanba ne'e mak nia dehan: Ida ne'ebé laran-metin iha Maria nia sei la hetan delusaun. Iha Maria ha'u tau ha'u nia laran-metin tomak. Na'in feto nunka husik buat rohan ida moos lae. Ha'u husu imi atu invoka nafatin Maria nia naran, espesialmente ho ezakulatoria ida ne'e:

Maria Sarani sira- nia tulun, harohan mai ami. Ne'e mak orasaun laos narauk, maibe bele koko no ne'e efikaz liu. Ita nia konfiansa mak iha Maria Ausiliadora nia tulun.

Canta: Magnificat...

Reza: Ami Aman...

Hotu-hotu reza hamutuk:

S. Joaun Bosco Aman no mestre foin-sa'e sira nian. Hamamar an ba don Espiritu no loke ba realidade sira iha ó-nia tempu, Ó-nia moris saran ba foin-sa'e sira, liuliu ba ki'ik no ki'ak sira nu'udar sinál domin Maromak nian. Gia mós ami ne'ebé sei la'o dadaun hodi hari relasaun amizade nian ho Na'i Jezús .Nune'e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian.

Tulun ami atu hatan ho laran luak ami-nia vokasaun ne'ebé ami simu husi Maromak. Nune'e iha moris lorloron ami bele harii komuñau no kolabora ho entusiazmu, no komuñau ho Kreda tomak hodi kria sivilizasaun domin nian .Haraik grasa perseveransa nian mai ami atu ami bele moris tuir loloos ami nia moris nu'udar sarani. Tuir espiritu rahun di'ak sira nian; no hodi Maria Ausiliadora nia gia iha loron ida ami sei hela hamutuk ho ó iha familia boot lalehan nian. Amen

Final ...